



香案牘



又 8
81



門又
時

不
家
讀
志

甲午三月... 試荆溪余出城南... 青... 不五日而客有跡... 相... 余... 坐樹下... 觀樹影... 至... 起... 日... 則... 枝... 紅... 花... 田... 以... 餘... 實... 之... 不... 古... 陶... 斗... 相... 如... 萬... 萬... 萬...

紅印

門又
號 81

香案牘序

甲午三月郡文學就試荆溪余出城南讀
書孟直夫郊居不五日而客有跡者挈嬰
相餉余與客班坐樹下視樹影所至輒起
遷席風日淡宕則枕籍紅花田以隱囊博
山酒鎗佐之有古陶斗柄如鸚鵡啄腹如

三

聚義軒

聚義軒
珍藏書

香齋題序
瓠丹砂繡蝕厚如指甲者數片班班桃花
色而斟酒有異香蓋三代物也出以酌客
客爲引滿已忽聞林端反舌聲時改夏矣
而聲小澁余戲指之曰何異文通才盡又
笑曰豈老氏多言數窮耶客亦大笑醉去
余與直夫退而相對起居無恒時憩磯頭

橋畔布衲寬博落落不知何如人村中父
老小兒習余無他則剪薔薇花縛蔬笋饋
余余愧謝不能當已復余山人又摘茶寄
余試以惠泉紺碧沁齒蕉衣竹粉婆娑北
窓爲枕書而臥臥起抽一編讀之則浮雲
山道士仙史在焉出道藏醜字函卷三十

有二所載古今真人列仙四百四十有七
顧其言不雅馴余與直夫汰而洗之存其
奇逸可喜者精爲一卷以資麈尾其名香
案牘者何居曰仙牘玉宸吏司之如項羽
所謂書不過記名姓而已

清懶居士陳繼儒志

香案牘目錄

列仙七十二人

軒轅

尹喜

范蠡

鬼谷

介推

陸通

鹿皮翁

阮丘

玄俗

白石生

宋來子

古丈人

董謁

季充

孟岐

黃安

涉正

孫博

班孟

柳融

王興

桐君

趙丙

王喬

周大賓

安期生

彭宗

司馬季主

王探

章玉子

唐公昉

朱仲

劉安

劉京

梅福

樂巴

孔元方

李意期

張仲常

王喬

趙威伯

劉偉道

王中倫

李阿

介象

張道陵

王暉

鮑靚

姜伯貞

元藏機

陳簡

葛玄

鄭思遠

黃野人

許翹

陶弘景

王遠知

司馬承禎

李含光

許遜

許大

胡惠超

單道開

范豹

寇謙之

嚴達

孫徹

丁玄真

顏真卿

伊祁玄解

摸先生

王元芝

香案牘

華亭陳繼儒 纂

樵李郁嘉慶 校

姚士舜

包衡 同閱

軒轅

帝列珪玉于蘭蒲席上春雜寶為屑以沉榆之
膠和之為泥畫野分州別尊卑華戎之異濟南

香案牌
人獻明堂圖復道上有樓從西南入此樓之始
螻蛄大如牛羊蟪大如虹以應土德

尹喜

文始先生生室中陸地生蓮花結草爲樓精思
至道

范蠡

蠡好服桂飲水賣藥蘭陵於北邙山得仙異

鬼谷

秦時疫死者有鳥如烏銜草覆其面遂活有司
上聞始皇遣使賚草以問先生云此瓊田中養
神芝其葉似菰而不藜生一葉能起一人

介推

子推與趙宣子遊旦有黃雀在門上晉公重耳
異之後見東海邊爲王俗翁賣扇

陸通

楚狂接輿好食橐盧木實及蕪菁子在莪眉山

鹿皮翁

岑山頂有泉人不能到鹿皮翁作轉輪懸閣梯道四間上其巔

阮丘

丘耳長七寸口中無齒

玄俗

俗日中無影

白石生

生煮白石為糧問之何不霞舉笑曰天上多有至尊相奉事更苦于人間爾時號為隱遯仙人

宋來子

來子常洒掃一市

古丈人

嵩華松下古丈人一女子二曰老人秦之役者女宮人合為殉幸脫驪山之禍匿此

董謁

香齋
三
謁乞犬羊皮爲裘編荆爲牀聚鳥獸毛而寢性好異書見輒題掌還家以片籀寫之舌黑掌爛人謂謁掌錄而舌學

季充

充號負圖先生伏生十歲就石壁中受充尚書授四代之事伏生以繩繞腰領一讀一結十尋之繩皆成結矣充餌菊朮經旬不語人問何以答曰世間無可食亦無可語者

孟岐

岐嘗云見周公旦抱成王以朝于周廟岐時侍周公陞壇公上岐以手摩成王足周公以玉笏遺岐岐常寶執每以衣袂拂拭笏笏今銳欲折耳

黃安

安坐一神龜廣三尺行則負龜而趨曰伏羲氏始造網罟獲龜以授我背已平此龜畏日月光

三千年一出頭我坐此以來龜出頭者五矣

涉正

正閉目二十年弟子固請之正乃開目有聲如霹靂而閃光若雷已復還閉

孫博

博口中吐火指樹火生葉旋焦枯又能于水面布席作樂使衆人舞于上不沒不需引鏡爲刀出刀成鏡積時不改

班孟

孟坐空虛中與人語又能入地初沒足至腰及胷漸漸但餘冠幘良久盡沒又吸人屋上瓦瓦飛入簷楣紛如落葉

柳融

融取杯呪成龜煮之可食腸臟皆具而杯成龜殼煮取肉則殼還成杯矣

王興

香案版
五
秋長山洞穴中有千歲金蟾蜍山頂有瓊花木
徑八九尺葉如白檀花如芙蓉香聞數里與常
見之

桐君

君入山得鳴石雞舂碎爲藥服之有聲氣雞色
丹大如燕常在地中應時而鳴吳寶鼎元年貢
琥珀燕置靜室室中時一鳴翔此之類也

趙丙

丙舟行遇人酌水爲酒削一楫爲脯並得醉飽

王喬

武陽北平山有白蝦蟇謂之肉芝王喬食以仙
去武陽山祠有三王喬一太子晉一葉令王喬
一食肉芝王喬

周大賓

賓善鼓琴彈獨絃而八音自和以教糜長生孫
廣用廣用卽孫登也

安期生

生以醉墨洒石上皆成桃花

彭宗

宗能以一氣誦五千文通爲兩過音聲清暢

司馬季主

季主顏如少女鬢三尺黑如墨有子二男名法
育女名濟華俱在委羽山

王探

探師司馬季主與人行身散雲霧或屹立平地
俄起崇山

章玉子

玉子含水噴成珠玉與弟子行各丸泥爲馬乘
之一日行千里

唐公昉

公昉昇仙雞犬皆去惟鼠惡其穢垢不將鼠自
悔一月三吐易其腸京廣微所謂唐鼠是也

朱仲

漢高后下書募三十珠仲賫珠詣闕魯元公主
從仲求珠仲獻四寸珠景帝時復來獻三寸珠
數十顆

劉安

淮南王安見太清仙伯以坐起不恭謫守天廁

劉京

京授九子丸于王公公時已七十歲服之御八

十妾生二十兒

梅福

墨池在南昌縣水竹幽蔚王右軍典臨川郡日
每過此盤礴不能去因號墨池先是福種蓮花
池中嘆曰生爲我酷身爲我桎形爲我辱妻爲
我毒遂棄妻入洪厓山

欒巴

廬山廟有鬼物能使江湖中分風舉帆巴下檄

香案牌
勒鬼踪跡鬼走齊郡化爲書生談五經太守妻
以女巴勒殺之空中刀下狸頭墮地太守女已
生一兒俄化爲狸亦殺之

孔元方

元方以杖拄地一手抱杖倒豎頭在下足向上
以一手持酒杯倒飲之

李意期

人有說四方郡國宮觀市里期卽撮土成之經

見者詫其酷類但纖小耳

張仲常

仲常埋甕室下對妻子轟飲恣飽葷血及發甕
已多度甕中經日不腐

王喬

喬墓蒙城東自戍塚其夕縣中牛皆流汗喘乏
或云墓橋山卽太子晉

趙威伯

威伯善嘯若衝風之激長林衆鳥羣鳴須臾雲
翔其上冥霧四合零雨其濛

劉偉道

偉道學仙仙人試以白髮一莖懸十萬斤巨石
鼠齧髮垂垂欲絕使偉道臥其下了無怖色蓋
二十年

王中倫

晉武帝太康中田宣隱于鳴石岩下葉風霜月

拊石自娛每見一人着白單衣徘徊岩上清曉
方去自言王中倫生周宣王時愛此石聲清激
故輒留聽

李阿

阿逢犇牛以足脛置車下輾其骨皆折阿死須
臾復生足亦如故

介象

象入東岳受禁制之術能令一市人皆坐不起

有客種黍山中患羣猴採食之乞辟猴法象告
汝見猴羣第語之吾已告介君介君教汝莫食
明日客試以象言語猴猴果連臂投林而去

張道陵

道陵居渠亭山見青童絳節前導曰老君至矣
從者二人雋似弱冠或指曰此子房此子淵

王暉

暉種黃精虎爲之耕豹爲之耘出入亦乘虎豹

具羈轡行鞭策如乘馬

鮑靚

靚與葛稚川善每來門無車馬獨雙燕往還或
怪而網之則雙履也墉城集仙錄云靚以女妻
稚川

姜伯貞

伯貞值史伯真命立日中背後觀之其心不正
因教之服石腦

元藏機

機有馴鳥三類黃鶴時翔空中呼之立至能授人語常航海飄至一島島人曰此滄洲也產分蒂瓜長二尺碧棗丹栗大如梨池中有四足魚金蓮花婦人採爲首飾曰不戴金蓮花不得在仙家

陳簡

簡遇道者引至石室屬以圮上素書一軸曰汝

有書性好爲我書發標視皆古篆籀文心難之度無可遜避遂按本半日書竟

葛玄

玄遇親朋輒邀止折草刺樹以杯盛之汁流如泉杯滿卽止飲之皆旨酒取瓦礫草木之實勸客皆脯棗指蝦蟆使飛龜使舞應節如人爲客行酒杯自至前不盡杯不去

鄭思遠

香案牘
思遠每出行乘虎二虎雜負經以從橫江橋逢
許隱具煖藥酒虎爲拾柴燃火隱患齒痛求虎
鬚熱插齒間思遠拔之虎帖地不動

黃野人

野人遊羅浮長嘯數聲迤響林樾宋咸淳中客
有戴烏方帽着鞞往來羅浮山中見人則大笑
反走三年不言姓氏他日醉歸忽取煤書壁云
雲意不知滄海春光欲上翠微人間一墮千劫

猶愛梅花未歸蓋野人之儔歟

許翮

真人告翮曰學道當如穿井井彌深土彌難出

陶弘景

弘景右膝有數十黑子作七星文少便鞍馬善
射晚皆不爲惟聽吹笙借人書隨悞治定

王遠知

遠知曇首之子母夢靈鳳有身僧寶誌曰生子

當為神仙宗伯

司馬承禎

禎善金剪刀書腦中有小兒誦經聲玲玲如振
玉額上小日如錢耀射一席

李含光

含光工篆隸或稱過其父一聞之終身不復書
許遜

遜為蜀旌陽令既歸父老送之如雲有不返者

乃于宅東隙地結茅以居狀如管壘多改氏族
以從許姓號許家營

許大

大為真君掃爨夫婦隱于西山不欲人識改姓
曰午旋改曰干夫婦皆解詩許大詩云不是藏
名混世俗賣柴沽酒貴忘言妻續云兒家祇在
西山裡除却白雲誰到門

胡惠超

超身不甚長然每處稠人中首獨昂出其上雖至長者止及肩下指地中古金石寶器穿之如言而獲

单道開

開服細石子一吞數枚唐子西贊曰世人茹柔剛則吐之匙抄爛飯牛口如飼至人忘物剛柔一致其視食石如嚼餅餌北平飲羽出于無心食石之理于此可尋我雖不能而識其理庶幾

漱之以礪厥齒

范豹

豹云東方朔乃黠我我小兒時數與之狡獪宋文帝召見豹從東宮過指宮門曰此中有博勞鳥柰何養賊

寇謙之

成公興備于寇之從母家使墾田寇一日于林下布筭周髀曆法不合公興教之應手而成

周武帝建德中詔達至便殿時已汰浮屠氏復欲漸芟黃冠上問道與釋孰優對曰主優而客劣上曰主客奚辨曰釋出西方得非客乎道出中夏得非主乎上曰客既西歸主無送耶對曰客歸則有胡土主在則無損中華去者不追居者自保又何送乎上大笑得免

孫徹

徹隱遯宿于木杪編葛爲席合目端坐其友馬儉思之取葛席置靜室供養數日輒聞席上有人語

丁玄真

毒龍潭二龍飛入殿與張僧繇画龍闔風雨震沸玄真画鐵符鎮潭龍穿山而去復釘画龍之目其患乃止

顏真卿

香案牘
白紫清云真卿今爲北極驅邪院左判官

伊祁玄解

西域進方員二美玉玄解曰此龍虎玉也員生于水龍寶之方生于山虎寶之詢使人果得之漁獵者

摸先生

先生束雙髻于頂携小竹笥賣藥有疾者手摸之輒愈人呼爲摸先生


王元芝

元芝數歲時夜出門見一道士隨之入江在水底月明中行不見泥沙水隨步自開路傍一物十丈許如龍如蛇有五色光道士指曰此水母也見之長生自是便能逆風掛帆泛水安坐

乙未春正月余正愁窘中仲醇以一編貽余曰香案牘載神仙事奇矣而人不數事事不數語又皆奇之奇者仲醇選勝恬澹園而猶

有艷心乎嗚呼人當繫憂總集心骨沸熱懣
若寐搖若曳魂氣徊徊未返之間粗法難調
細諦不入非以世外儻洋之語滌之誰有能
爽然解者人心有目目又有捷透扃啓鑰必
從喜根今人好新是病病卽是藥譬如望梅
實能止渴渴卽止矣亦復無梅非實非虛是
方便法仲醇所以刪多就簡不著事迹不詮
名理者殆謂說夢說幻之教以恍惚杳渺爲
佳不以粉塊鏤空爲勝寧使人味食得食無
使人遇食失食仲醇不云乎多言數窮六合
以外方寸以內蓋有才之所不能盡者則牘
如是足矣

太原王衡跋



香
牙
片

一

